


284.267

45



文
284.767
45

南園初集詩鈔

海昌陳氏簪纓甲於寰宇並吾世而掛名朝籍者余既一一盡識之矣既而遊於其鄉徧觀其一族之群彥莫不林林角立譬之伐木鄧林採珠淵海徽徽溢目遽數而不能終也澄齋先生與余交特厚青鐙頌酒命諸子出拜長君鬱為率先諸弟執後進禮甚恭余還里門鬱為郵詩一編屬予點定曄然若春花之爛漻乎若秋氣之清余卷書而興愜焉以歎竊謂稱詩之道甚

南園初集詩金戶
一
微而推論其本元有二有根源焉有性始焉何
謂根源盤根仙李濫觴江源詩書種其子孫舊
德食其姓氏少司寇丙齋先生傳妣江春秋絕
續之學為時名卿涵泓淳蓄寔為生鬱為以叶
五世之昌其紹前聞而衍庭訓較後門寒畯為
易一也何謂性始旃檀逆風而聞夜光在川而
媚乾坤清氣山水靈竒吸攬於葳府濡染乎耳
目鬱為茁蘭玉之芽具多生之智結體不恒含

香未越其煦鮮榮而侈泠汰與俗學繕性不同
二也薰斯二難而又涵濡聖涯熏習遺澤左右
采獲以張大其風雅欲辭之不工得乎余頽放
無一能而獨好稱人善士之挾一能名一技者
猶津津溢於齒頰衣冠如陳氏密交如澄齋清
才如鬱為循諷雜誦喜談而樂道亦所為根於
性始而不容自己者也澄齋遊粵東俟其歸當
於青鐙頌酒時一暢論之歲在重光協洽且月

三日董浦杭世駿

余自解組歸林時過通介堂與從孫澄齋喬梓
坐談移晷知其種學績文實吾家後起之秀也
澄齋根柢經史含英咀華所刻稻壑集詩詞三
種久矣膾炙人口而其長子文棟英雋卓犖承
其庭訓嫻於吟咏每出一篇示余老眼為之頓
豁迴憶先君子清恪公與伯父司寇公同居通
介堂余蓋生長於斯經今數十年矣其為童子
時釣遊之處宛然在目而司寇之裔孫俱以能

南園文集詩金序
詩取重騷雅余之年齒衰邁乘榆景暮也固宜
獨喜文棟學業如斯他日珥筆石渠搗詞天祿
定能鼓吹休明頌揚盛烈不徒為風雲月露之
章而實黼黻治平之器也今年春文棟集其所
作彙為一卷將梓以問世欲余一言弁諸冊首
會恭迎

聖駕時巡未遑搦管茲奉

息綸仍入閣辦事許歸里俶裝數日爰敘數語

以誌屬望之意并書以為別
乾隆辛未年孟夏
望後五日蓮宇老人世倌

歲癸亥余就姻海昌陳氏內兄子澄齋名振騷
壇著有稻壑初二集余讀之有觀止之嘆時率
諸子姪出見長君鬱為側羣秀中年未及冠亭
亭玉立蘭茁其芽余心竊儀之既而匆匆赴補
匏繫京師越十年余奉

命巡視臺灣臺灣一孤島耳四面環海波濤出
沒風雨震驚怪怪竒竒不可名狀余以躬膺
簡書每懷靡及學殖就荒筆墨都廢不能藉尺

南園初集詩金序
一
楮寸毫一達天地間奇氣適鬱為以南園初刻
一編郵示屬序反覆把玩心若有會即以海與
鬱為論詩可乎今夫包乾之奧括坤之區長波
洪濤汗漫潏池八紘九野之水天漢之流衆漚
羣趨一往奔放迄無底止意即詩之茹古涵今
慷慨以任氣磊落以使才無有端涯可尋者乎
時或奔螭出乍翔鵬振舞長風蹴浪疾雷轡空
倏開倏合一朗一晦意即詩之所為離合變幻


魁壘頓挫使讀者憤張興起欲奮臂出其間者
乎時或洲渚疏屬島嶼牢羅霞蒸日盪虛影浮
空意即詩之所為發端沈鬱入趣幽微氣象輝
雄興喻深邃者乎又或鮫室夜織則懸珠蜃樓
朝幻則成市意即詩之所為錯采縷金穠麗纖
蔚者乎至若川后安流天吳不發番航賈舶鼓
柁揚舲飄飄乎御風而行意又即詩之所為和
易簡質絢爛之極歸於平淡者乎鬱為居近海

南園初集詩金序
二
濱生長甲族少司寇丙齋先生舊傳絕學名冠
朝紳尊人澄齋緝其祖武耕經耨典趨庭績學
由來遠矣而又妙年雋發不遊心于物外翰墨
之林寄其所得菰蘆著述積案盈箱然則是編
之刻正如余持節南行時初歷大嶺已不免望
洋而嘆迨越廈門渡澎湖經鹿耳過鯤身蕩滌
心胸震駭耳目有不可以岷源嶓冢測者余將
于南園二集三集之刻作河伯之驚矣抑余聞

之海上有蓬萊三島列仙居之世用是以標玉
堂清署而古人之論才思者於士衡則稱陸海
於子瞻亦稱蘓海鬱為處

盛世負俊才挾竒氣由是浸淫卷軸疏淪性靈
摩壘揮旌鏗鏘金石和其聲以鳴

國家之盛余之所以期鬱為者固遠且大澄齋
深於詩請以余言質之或不以蠡測見嗤也湘
蓴錢琦



南園初集詩鈔



海寧陳文棟爵為



古今體詩

採蓮曲

綠水滿池塘荷開十里香採蓮人去去一曲晚風涼

傍晚小梳頭呼羣盪淺舟唱歌聲漸遠月上藕花洲

南園初集詩金
一
答楊志遠

春鷓秋蟀動愁思把臂談心未有期今日開緘
先一咲琳琅滿紙讀君詩
韞線才應愧不如新詩欲和轉躊躇他時滿載
西湖酒第二橋邊共釣魚

梅

日日春寒晴意少梅花消息問如何不須更借
牕前月已覺精神雪裏多

風情恰恰對清尊醉倒羅浮何處村髣髴師雄
香夢裏月光如水浸黃昏

靜宜堂夜坐

夜來微雨歇獨坐靜宜堂砌草螢光濕盆池菡
菖香一燈留客影新月報秋涼畫舫明朝買煙
波引興長

登長墻山

杖策登高頂青山一帶平天空孤雁遠關小夕

南園初集詩金
陽橫底柱蛟門石屏藩激水城海風颯然至萬
木壯秋聲

黃道關

面海肩城舊設關東西環抱夾青山六鼇駭湧
三千浪孤塚哀號八百蠻客思悠悠秋更遠岫
雲冉冉暮猶還民居險要勞宸慮恩詔時

聞日下頒

於此

關傍有塚大可數畝按激水舊誌宋時有倭蠻八
百海舶失風至激標掠村莊為居民所殺聚葬

望夫臺

在永安湖上仰天塢之右山巔有石臺臺側
有立石宋時海商失期不返其婦登臺望夫
泣殞化而為石

長松影裏心偏遠海水聲中淚共流飛去香魂
留此石至今臺畔弔荒邱

同內凡畢乾三吳翁巽襄金子存夫汪子
祈永集願志堂

小雨纔收霽高堂聚客歡天空秋氣肅山靜月
光寒發興杯長滿尋詩夜未闌燈前心共醉機

語出鋒端

過青溪吳氏舊廬有感

青溪人不到相國住橋西
幾樹門前柳幽禽空自啼

舟泊袁花鎮

小泊袁花鎮外橋
新涼纖月掛松椒
秋風不動濤聲靜
半夜聽殘隔浦簫

賦得誰家新燕啄春泥

春城小雨帶風斜
燕子來時處處花
銜得香泥深巷晚
畫簾高捲是誰家

試江郎茶

南軒種幽篁無事此靜坐
閒讀古人書身倦晝思卧
有客遺我茶云從江郎過
乃於雲霧中手摘自親課
呼童試一烹清香生四座
乍啜精神交再啜睡魔破
嗜茶平生癖知我有幾箇
拜手謝良朋詩成還自和

書齋四詠

小沼

一鏡初開雲影低
溶溶春水漾玻璃
銜泥紫燕來還去
戲藻文鱗東復西
荷葉圓時宵雨急
柳絲垂處曉烟迷
闌干幾曲閒堪倚
自在鶯聲花外啼

踈簾

千絲密密織瀟湘
未許鰕鬚價倍昂
明月漸窺

花影亂輕風微縵
水波涼還施清簟
閑看爽好護金爐
細吐香愛煞呢喃
雙燕子銀鈎息處
日偏長

花徑

千紅萬紫鬥春回
小徑芳菲次第開
種菊只今誇栗里
采香何處問蘓臺
風前時見深深蝶
雨後還添漠漠苔
說與兒童須却掃
明朝有客看花來

銀缸

夜深無語下書帷一點銀缸作伴時
低綴玉蟲花燦爛暗窺飢鼠影
迷離樓頭隱隱鼉更急枕上悠悠蝶夢遲
最是情親惟爾在任他蟾魄轉花枝

題秋林策杖圖

策杖登高處脩然鶴髮翁
山邨天不暝秋樹夕陽紅

晚步海塘

一望濛濛暮色昏山光半為遠煙吞
風來鈴響占鼇塔潮走雷轟鱉子壘
野濶夕陽沉古寺沙平飛鳥落前村
十年車馬長來往辛苦蒼生夢裏魂

冬日

冬至陽生動琯灰負暄晴日正徘徊
朱門半掩寒光入繡幕重遮煖氣回
天意何曾思釀雪春

風已覺暗吹梅新槽酒熟清堪飲乘興時還把
一杯

大人葺延月軒為半輪秋月山房賦以紀
事

小軒先世構重整換新顏竹露披窻下松風拂
袖還當杯惟淡月兀坐即深山養靜秋房好晨
昏杖履間

抱病 并叙

丁卯七月武林赴試扶病歸里纏絲床
第者四月餘仲冬望前三日內兄畢乾
三過訪見余臥室雜處家人婦子非病
所宜因邀余至湫川養病燭香堂久而
未痊時時與藥裹為事殘月照牕孤燈
在壁夜深獨坐四顧寂寥率成一律以
書其感

抱病人誰問空堂夜坐時燈花偏解語明月景

南園初集詩金
七
相思荏苒歲云暮支吾力尚疲頑童呼不醒獨
自且吟詩

枕上聽雨

病軀到晚怯風寒借得蘓詩擁被看牕外芭蕉
聲萬點應知葉葉雨中殘

臘八日雨中畢二蘭巖送素心蠟梅

雨中冷坐讀書堂喜見梅梢破臘黃如此素心
堪作友不須戲詠惱人香

謝程宗翰送梅花憶舊歲正月至澣留畢
乾三家數日時梅花將放而明朝即欲
辭去遂索酒飲梅樹下宗翰亦在座余
翰宗翰三爵

夜靜寒牕月到時蒼苔獨立自尋詩故人寂莫
應憐我遠把梅花寄一枝
清友敲門冒雪來應知客裏獨徘徊舊年輸去
花前酒換得寒香今夜開

西園初集詩金
八
曉得天中二弟書適汪祈永送梅至
曉色上牕夢乍回一雙翠羽忽飛來病人喜得
平安報却好梅枝笑口開

自慚

孤館來窻月燈前夜讀書未能求一第徒笑足
三餘錢數床頭鼠仙成字裏魚自慚空抱影勿
勿念居諸

月夜吟

夜寒人更起坐對月嬋娟愁聽南來雁聲聲落
枕邊

今夜夜深月西樓影欲斜一聲吹玉笛清韻落
梅花

閑園十咏

梅岡

盪盪上前岡脈脈春欲動縞袂有佳人素心誰
與共參橫月落時翠羽還驚夢

春草亭

謝客在西堂好句生寤寐春風不世情處處饒
生意如何浣花翁藉此拚泥醉

少陵詩肯藉荒亭春
草色先拚一飲醉如泥

花津

一溪清且連溪上多嘉樹水面浮落英繽紛乃
無數添箇釣魚船依稀武陵路

春浮閣

飛閣上凌空悠然坐遐賞青山遠似眉綠野平

如掌草木各向榮春光正浮蕩

漱玉亭

愛此清瑤流時來漱我齒遂令口舌間玉屑雕
斐疊永懷枕流人于此共徙倚

靜嘯軒

長松高入雲一室小于斗天風颯然來時作蒼
龍吼獨坐撫鳴琴髯翁我勝友

雪香菴

院落月溶溶何來此澹客襲衣香氣寒映頰雪
光白無夢到雲邊一枝春可惜

水藻屏

日華漾碧池虛室瀉清快參差水藻浮倒影屏
風掛客來留喫茶看此天然畫

凝露軒

天香雲外飄下有月中樹樹影夜團團寒光凝
白露低徊未忍眠還賦小山賦

悠然閣

隙地本無多鮮鮮種霜菊淵明千載人相與伴
幽獨一咲咏詩成南山遙在目

半山舟中值大風雨

墨雲潑浪西南來風聲雨點爭喧逐山中老樹
根倒拔電火一吐追奔雷扁舟曉自武陵發頑
陰蔽陽怪倏忽柁工束手篙師愁水勢翻騰安
可越甘墩村臯亭山回頭都在空濛間造物弄

南園初集詩金
人逞狡獪好景不許相追攀我生未識行路苦
瑟縮蓬牕覓長句須臾雨止詩亦成今宵好泊
臨平務

過邵灣朱菴

泉通幽磴外寺近小橋傍古樹發春意山僧無
俗腸牽蘿還補屋疊石自成墻到此煩煎茗風
爐松卯香

內姪畢次山官膠州寄懷

兩載之官菜子國相思千里報平安濛濛海氣
崑崙近森森河波天澤寬亭帶曉霞同馬默臺
橫秋月話燕丹知君大有仁風布不次承恩

拭目看

天澤河名曉霞亭宋知登州馬默建萊州程符山有臺
二丈許四望皆山獨留月色里人謂之麓臺秋月相傳
燕太子丹讀書於此見群國志

晚過東林寺乞分紫竹

曾到東林寺夕陽徑路深數竿分紫玉半壁散
清陰嫋嫋含風意悠悠出世心瓊瓏今夜月坐

對撫鳴琴

冬至前一日遊河莊山次端其弟原韵

衝寒海上尋幽境望遠河莊映晚沙潮入栲門
聲漸小江吞葛舉勢偏斜熒熒野火明荒磧獵
獵陰風動窅窅珍重一燈禪榻外五更飛雨夢
魂賒是夜值雨宿山寺

登河莊山次端其原韵

百尺樓何在蕭條感越城腥羶餘蜃氣潮汐應

鷄鳴磊磊高王廟悠悠千載名河莊山勢惡風

雨夜無情

河莊山傍有胡家山一名越城山舊有越王百尺樓
山有吾家五王廟

志完叔疊前韵索和因以夜宿河莊山古
寺仍次前韵兩首答之

海上蒼涼餘古寺年深佛象委泥沙霜空木落
千峯碧夜靜天寒數鴈斜客倦欲眠驚簟冷村
沽無味怪樽窳不知山雨檐頭滴疑是聲聲刻
漏賒

海風催夜雨寒柝起荒城
森森江潮去蕭蕭客
馬鳴永懷疏鑿手應著
古今名此夕山房宿恬

然忘去聲旅情

從祖遠亭先生奉道因及之

命協開引河今則潮行故

蠟梅

霜風獵庭柯芳菲盡却掃
化工費翦裁金蕾領
春早籬菊共姿容嶺梅同
懷抱映肉道裝鮮鵝
影染飛禰當此寂莫時
顏色豈不好我欲笑涪
翁生香故相惱

以葡萄頻果寄蘭巖

葡萄顆顆水精丸
甘乳初凝帶露寒
尚有頻婆香色好
寄君一咲佐春盃

與蘭巖假廣羣芳譜

插架愁無萬卷書
閒時賦物轉踟躇
為君一假羣芳譜
莫笑詩人獺祭魚

南軒夜雨寄懷閑園硯洲先生

蕭瑟南軒雨懷人夜已深
挑燈還獨坐隱几復

長吟渺渺寒溪水蒼蒼修竹林梅花應好在且
向夢中尋

對雪

朔風刮地鎮嚴寒六出空花舞作團乘興底須
披鶴氅清吟差喜據驢鞍也知幾樹梅邊瘦何
處一簑畫裏看玉屑滿庭閑自賞酒杯還放百
分寬

梅花二首次韻

花信風來纔幾日枝南枝北倍精神斜陽影裏
堆晴雪明月窓前伴美人醉倒金樽生怕俗歌
成豔曲底相因却思前度西溪好十里濛濛壓
水濱

雲滿柔枝雪滿條愛香憐影轉魂消春風脈脈
生空谷夜月深深度短橋縞素恍迎仙子袂清
揚還遞玉人簫江南花信今年早一咲園林伴
寂寥

紅白山茶二首次韻

盤盤矮矮幾芳叢
數朶先開寒色空
火齊掌中嬌吐艷
丹砂頰上醉添紅
漫沾方丈曼陀雨
大有鮮妍石氏風

見瓶史

一自開元吟賞後
至今佳句憶坡翁

空庭細雨霽初新
玉茗開時最可人
素質應披岷嶺雪
清香先占建溪春
瑤華比並元無價
梅蕊相看更有神
好是歲寒風景澹
不教穠艷奪天真

天真

正月十六日雪

昨宵狂雪舞團團
自起開簾耐曉寒
庭樹枝枝飛絮滿
殷勤先問竹平安
春來先放一城花
處處園林春色賒
莫道春光容易領
孤篷千里客思家

視浙學侍講于公創製試題燈手書以示
多士限題燈二字為韻七言近體各一

首

校士場開未曉鷄銀鈎籠燭揭東西文章光價
猶韜筆燈火空明早認題席舍寸陰遮莫競風
簷萬目更誰迷朶雲恰共奎躔炳何異叨輝天
祿藜

依約銀河拂玉繩題書天老燭光騰授經句裏
生花粲問字行間映雪凝敢道賦才誇庾信快
從理窟識張憑分明一片冰心在肯負當年午

夜燈

賦得潮平兩岸濶

江上候潮平悠悠客思清乍欣高浪息漸覺百
川盈夾浦微茫見中流自在行長風來萬里容
易接蓬瀛

賦得雨中春樹萬人家

雨連新樹杳龍葱萬井人家阡陌通隱約樓臺
寒漠漠參差水木暗濛濛炊煙不斷層陰裏鷄

南園初集詩金
犬遙聞積翠中最是發生好時節無邊春色愛
天工

葢書樓同人夜飲

書樓小雨後新月一窓橫未倦登臨興還同杯
酒情春寒添鴿炭夜靜聽鼉更文字飲堪樂寸
心獨為傾

臯亭道中

春來二月好行舟楊柳千絲拂水流風雨蕭蕭

赤岸晚濃春烟景似殘秋

用漁陽山人句

東塘日暮水溟溟野寺無人晝掩扃風雨孤篷
轉蕭瑟鶉鳩聲裏過臯亭

過許村

篷窓雨霽近前邨烟樹人家月半痕好趁晚風
春水急一枝柔艣破黃昏

茶磨山尋許相卿讀書臺舊址

杖策信忘疲行行穿竹徑清風時一來恍忽歷

南園木集詩金
六
仙境春溪綠茗香古跡蒼苔迳尋幽入層山桃
李如爭迎先生今渺兮書聲靜復靜長嘯倚青
松西山日色暝烟景控兩湖波光平如鏡

春日雜詩

短橋細細柳絲風吹得橫溪春水融何處一聲
漁笛起桃花兩岸夕陽紅

溪邊二月柳垂絲萬縷千條綰別離莫向臨風
三弄笛高樓少婦奈愁思

重重春色是誰家紅杏墻頭月影斜只恐憐香
人不解淡烟鎖住一枝花

二月深閨暖氣回春風春雨百花開小鬟親把
踈簾捲放取呢喃燕子來

雨後海棠姣不勝春風睡起曉煙凝十年作客
西川路不見題詩杜少陵

火前碧乳試旗槍日向西園采摘忙小雨纔過
天欲晚穿林踈月焙茶香

清明戴勝降桑枝鵲口初含葉尚遲三日春風
三日雨吳蠶正好出窩時
三春半老雨聲中畎畝平鋪碧玉叢記得石湖
詩句好麥鬚騷殺已禁風

送春同人戲賦崑體三首聊復效顰未能

免俗

朝來意懶到牕前觸忤情懷只晏眠漸覺江梅
低抱子那堪岸柳早飛絲何時更入忘憂館一

晌真成離恨天莫道韶光留得住送春去有
誰憐

平蕪漠漠水悠悠有意憐春無計留潘令相思
空寄夢庾郎憔悴不禁愁風前燕子情何限雨
後桃花淚未收誰信濃春三月裏淒涼到處似
殘秋

寫盡長箋意未窮半簾踈雨着東風倦胥舞罷
隋楊綠血淚啼殘杜宇紅悶處但知嫌酒薄別

南園初集詩錄
三
時那復許書通而今始信多情累只在纏絲七
字中

題青山石壁十六韻

澈城四面山嵒蛇海天瀕洞東南陞石屏對峙
扼其要青山盤礴浮靈龜潮汐往來日衝激雲
根厯落交磨治水平石出見虬卵積成岡阜何
纍纍有客相邀探竒蹟酒榼筆硯欣同携却從
勝處醉醕酌便得佳句揮淋漓海色如空山氣

靜極目萬里窮毫釐神州赤縣路縹緲徐福仙
去何時歸祖龍地下幾千載一片秦駐名空垂
長墻直走接黃道關門鎖鑰荆榛迷白龍上天
神宇在陰風颯颯捎雲旂旻裏居民奪魚利浪
花出沒同兒嬉孱魚瑟鱗棄不顧鈎鯉墾蛤生
還滋山海之間樂莫樂踳跚攀陟忘神疲紅日
漸趁西崦暮乘興更拜真君祠

東晉吳猛祠在山下王
家畹之西

硤川

望遠山光暮色吞孤蓬泊處近黃昏
破川今夜嬋娟月却照啼鳥何處村

書臺寂寂草茸茸溪上孤烟弄晚風
清磬一聲林鳥靜高人還憶顧逋翁

晚過沈山尋葛仙翁丹井

何處尋仙伯蒼苔古井存之而攬松
杪蚪斗篆雲根暝色山林靜春風氣
候溫豪遊興未已
月上黃昏



